

武林掌故叢編

崇福寺志卷三

臨江里人朱文藻纂輯

本寺住持釋眞源參訂

寺宇下

天王殿

本寺第二進由關帝殿後中行甬道左右列大松

數株殿左大樟樹一株樹外左右土牆各一帶左

牆二門一通園地

卽東房址

一通中房出入右牆一門

通西房出入牆外路南北蔬圃一方爲常住產殿

內中奉彌勒佛題楣額曰生歡喜心乾隆丁酉信

土沈容鼎劉憲華沈虔立甲寅小雪前五月住持
達權重修淨土學人蔣仁書佛龕上額曰無如一
笑石帆顧升書龕後北嚮奉韋馱立像極靈兩次
行柳募緣奉以護法有侮慢者輒示靈異左右塑
四天王像按記略載天王殿興於康熙辛卯年至
乾隆丁酉冬重修

大殿

本寺第三進康熙辛卯年興修戊戌年復整乾隆
甲子年修葺嘉慶庚申年重建殿三檻中四柱新
易以石題聯云崇舊宇以煥新模佛日慈雲幢擁

香林雄北郭福桑田而祐松里晨鐘暮鼓燈傳梵

唄震東臯

楷書勒柱上

中奉佛像三尊殿左鐵鐘一口

萬厯丁酉年九月本山比丘眞俊眞傑如懃如懃

如憲如慧如德明心明京明朗覺逸明曉海嵩惠

諶智楠海瑞薦考姚公妣陳氏智桂薦妣張氏募

化沙門覺遠勸緣弟子蔡廷檀等

餘不備錄

佛前鐵磬

一口萬厯廿五年本山比丘如德立殿左右柱題

聯云具大人相乃分身百億願作中天調御三身

四智內不覺重開斯面目證無上土已徧覆大千

欲度博地凡夫十刹五山中何妨復駕此招提後

學超海題

印曰七十一世
孫四航海印

九沙萬經書

入分
書乾隆

五十九年甲寅秋八月住持達聖重修殿門外甬

道上鐵鼎爐一座

右耳
已失

乾隆庚午年鑄庭左右有

大銀杏二株左一株舊有寄生木樟槐穀及月季

花等七種穴藏松鼠乾隆甲辰年捕鼠者熏穴遺

火焚樹今惟右一株存西牆腳有雍正乙巳辦糧

碑嵌砌模糊僅辨數字

吳穎芳西林崇福寺詩古寺松塘近鳴鐘午梵

聞江山門獨向花竹徑平分客到茶烹雪僧高

衲貯雲日斜村路靜林鳥自爲羣

翟灝晴江崇福寺鐘聲詩百八洪音起村齋夢
正闌一時增壯悔五夜逼秋寒菰圃清霜粲桑
塍白月殘老僧頭似雪坐破幾蒲團

任經抑齋崇福寺前晚步詩東皋望不極野色
淡斜暉木落半山出風高一隼飛疏鐘鳴古寺
流水咽荒磯信步渾忘遠人家半掩扉

翁永錫玠山晚過崇福寺詩逶迤來古寺夕照
尙餘紅麋鹿遙相伴藤蘿近自叢雲翻水漾月
玉響竹敲風清磬一聲下悠然萬籟空

沈鵬桐谿崇福寺銀杏詩盈極則含虛何物不

景福寺志卷三
三
可隸俗見別分支歸原惟一柢留此鎮三門迦
陵時說偈

伽藍殿

在大殿左廡凡五間康熙辛卯年建乾隆辛亥年
重建中奉伽藍神五尊額曰吉祥擁護湯志高立
王栻書聯曰白拂重揮新氣象烏藤再振舊家聲
祖師殿

在大殿右廡凡五間康熙辛卯年建乾隆甲寅年
重建中奉達摩祖師像

大悲閣

本寺第四進重樓五間康熙戊戌冬勅建雍正乙巳秋工竣乾隆壬子正月七日圯毀後重建樓中奉大悲像額題前後佛身四字奚岡書左側舊有額書陀羅尼三字孫行書今佚樓下爲禪堂又爲戒堂門有額曰無礙隨心雍正五年屠憲臣題庭有鐵鼎爐一座乾隆四十九年周辯助南房勸緣僧雨耕住持際元

九間樓

本寺第五進乾隆庚子建樓下中三間爲方丈有額曰高提祖印乾隆甲子秋爲靜山和尚陳世倌

書左有額曰祖林秀出孫效曾爲導鴻和尚題左
一聯曰天香直欲熏人醉仙骨何曾帶俗塵康熙
辛丑仲春龍溪胡衡爲四航和尚右一聯云竹籟
松濤供棒喝花香鳥語逗禪機秋塋魯曾煜爲靜
山和尚題方丈後一聯云拓開兜率月吼破涅槃
心閬庭楊士棟爲四航和尚題後軒中間向年供
奉心經碑搨一幅碑刻佛塔一座準提菩薩像居
中周刻心經一卷準提左右刻二十諸天十八羅
漢像旁題曰雍正十三年元旦刻和親王沐手敬
書相傳乾隆十六年

聖駕南巡住僧巨根迎

駕蒙

賜佛像二軸一是觀音像一卽此幅其後住僧融通攜
至揚州爲永濟庵僧道昌所見請歸藏之今尙恭
貯庵中方丈東三閒爲庫房西三閒爲西方丈爲
住持退院靜修之所額曰水月居跋云曷名乎水
月仍其舊也曷取乎水月喻其道也古崇福寺自
祥符之年改額以來星霜旣移興廢屢矣惟舊志
按此志不知何年
所費今已失傳載軒堂齋室一一可稱而原址
不可一一尋矣甲寅春久公理古屋三楹以志中

水月二字囑書於余且曰其屋與方丈鄰有樓可
登四顧方塘園沼遠近相映帶有曲逕紆迴可達
水上月夜時或步或登悉領是中趣味噫公之意
吾能窺之矣嘗聞禪之妙境猶羚羊挂角香象渡
河不著一毫痕迹今久公以水中之月悟之又與
舊額相符所謂古今一貫心心相印矣他時秋月
揚輝寒潭澄澈當與久公質諸居亦正宜也時乾
隆五十九年上巳前一日芑潭王棫并書其西直
南抵天王殿西南隅舊有雲水堂延壽堂今皆廢
燬成隙地樓上中三閒額曰彌六樓跋云崇福爲

艮山門外第一古刹年久頽廢龍居導鴻上人來
主講席□□僞習宜空實華不瞬歲與斧斤雲集
樓閣巍然予自廣陵爲補書彌六樓舊額並賸數
語以其勝願竟遂歡喜讚歎語以詳茲寺中興緣
起乾隆丁酉冲寂觀三□□右三閒爲西方丈樓

祖堂

在大殿之左南連伽藍殿面大殿東牆西嚮從大
殿庭
左側廊凡五閒中奉列世住持位

報本堂

在大殿之左南連祖堂面大殿東牆西嚮凡三閒

中列護法長生位

廚房

在報本堂之右面大悲閣東牆凡三閒右一閒有井綆汲以通內廚內廚之東有屋八閒爲柴房浴房園房

齋堂

在大悲閣之左南連廚房北抵庫房樓五閒西嚮額題齋堂二字八分書跋曰崇福禪院古刹也歲久傾圯幸久公上人卓錫於斯苦志焚修善緣廣結致有居士端書周君矢願一力重修功甫半而

周君遽逝善果未竟人共惜之然久公大厠宏深
當必有繼起而成有善因者行看斯刹重新有日
余所深望焉乾隆五十九年歲次甲寅七月旣望
平江安陶吳豐書并識又懸額於門書重修齋堂
記云齋所以供僧也堂所以受齋也啟十方之宏
願收十方之供養存十方之僧衆是以叢林道場
靡不有齋之堂焉乾隆壬子聖適住持崇福古寺
見其前後寶殿左右廊廡藏經之樓參禪之堂凡
修佛事之所雖垂霑重簷枋交接而不治者久
矣殿之東偏有齋堂五間其侈剝頽廢爲尤甚癸

丑春里中周居士端書重而新之噫工未竣而居士已作古人矣今居士鳩工於未逝之前能歲事於旣逝之後殆亦了此龍華會上一段因果若居士者可謂再知識矣聖作是記也一以感居士之樂施一以留此規模俾後之來者肯堂肯構踵而行之庶幾粥魚茶板有所安而道可永永矣乾隆甲寅年住持達聖識芑潭王棧書

方丈後牆外從齋堂東北啟門而出有小逕沿牆而南可達柴房其北有埂向東而北而西達於西北房環埂密栽松樟麻栗雜樹百餘株埂內近牆

東北角有小蕩蕩北桑園一方其右水出一方俱
寺產埂外西北有井上覆以亭額曰井亭社井南
近西北房西側有蕩曰放生池其埂之東北通九
里松塘下菩薩大路

本寺六房

舊有七房內東房久廢
地半歸寺內半歸西房

南房

在東北房之西聞王廟之東由廟中出入有屋二
進額曰緣鈞堂

東北房

在關帝殿之西南房之東由關帝殿西八字牆出

入有屋二進額曰玉芝堂堂中又額曰沐塵堂王
煒書

西房

在大殿之西東北房之後由天王殿前西牆出入
有屋二進舊額白雲堂又曰羅吉堂庭有枸桔一
本蟠爲六層如塔門有額曰曲沼野航書門外大
樟樹一株

西北房

在西方丈西側西房之後與西房同由天王殿前
西牆出入有屋二進額曰永仁堂後有竹園